捣藻堂四庫全

書薈

要要

集部

欽定四庫全書智要 無部

詳校官原任編修臣徐立網



盡其性參天地而贊化育然人成具是理而解能全之 欽定四庫全書養要卷一萬三千二百十集部 御製樂善堂全集定本卷一 己日車 全書 御製樂善堂全集定本 在天則為乾元坤元而萬物資始資生在人則為能 日蔽於私獨於習而天理幾乎失矣聖人者出作 論 者萬物之原萬事之本天所賦物所受之正理 立身以至誠為本論 也

立身必先於忠孝而忠孝不可以偽為視無形 天下法矣行必期於有恒則行可為天下則 苦又能 言行 乎益至誠聖人也誠之者擇善而固 則養志承歡可云無泰矣公忘私而國忘家則盡忠 日立身以至誠為本豈非實理本於生初在人之 脩道以立教教人由誠之之道以 而言行不可以外 固執 則可進於誠矣而身立矣夫立身不 飾言必期於有物 文教之者也 馬川 致至誠之 矣誠 則言可 既

思安安堯之至誠 吉義勝欲者從 念行事終為小人之歸耳然則克已慎獨者求誠 也 漏先儒有言曰學始於不欺暗室良以獨不慎 何以能誠其功又在慎獨詩曰相在爾室尚不 歷觀古來聖有安勉而皆本於該書曰欽 虺之誥曰以義制事以禮 此湯武之勉而誠也勉而誠與至 無間也又曰玄德升聞舜之至誠 制心丹書曰散 明

E

Þ

Ŀ

dula |

御製樂善堂全集定本

過可稱匪解矣誠故也其要在克已已不克則私

無異堯舜湯武莫不稱之為大聖故曰及其成功一也 子其中山川河街百穀草木之歷乎地以生者亦莫不 之域以之參天地贊化育不難矣 選往來皆天之氣也而有乾健於穆不己之理主室 地之間萬事萬物莫不有理理者天之經地之義民 行也是故日月星辰之朔望踵度陰陽寒暑四時之 則欲誠其身當擇善固執克已慎獨以馴致於至聖 讀書以明理為先論

學者講習討論之功 道 學者用力乎明理之功以觀六經 理 之正理也因之而見為則 者明其所當然與其所以然所當然者父子當親 化云為萬有不齊之事由是觀之天下事物熟有外 也道之大原出於 坤元載厚之理以為之根抵人性之仁義禮智賦平 理哉故聖人之教 御製樂善堂全集定本 レス 人講學亦曰 天其用在天下其傳 明 之六經之書言理之至要 隐羞惡辭讓是非之情 則思過半矣所 明 理而已矣益理 在聖賢而 謂 者 賴

定四車全書一人

者 友 臣當義夫婦當别長知當序朋友當信 而 之 之宜夫如是然 之 父之所以慈子之所 不 必以格 於一事一物亦莫不 所 所 誤 於收超知其所以然然後喻之深而不能以自以責善輔仁之謂也知其所當然然後信之為 以率婦之所以從長之所以愛幻之所以恭所以慈子之所以孝君之所以仁臣之所以 物致知為先中庸擇善之目必在於 後 理 明 而明 有所 其表裏精 持 循 此 之謂也所 粗 大 與夫善惡 學 盯 明 自 忠 用用

カ 先聖後聖宣有二道哉雖然明 壯麗而欲 所由之路 神 在於行之之功尚或知有餘而行之不足則雖 問慎思明辨而先儒講論亦必以講明為踐復之 往行之則有失徑迷途之識為學之功亦如是 相 亦無當實用盛德至善竟何 須為用而 是明理也身往由之是力行也尚不知 徃 觀之必先悉其所由之 致 知 則 在 所 當先 理要矣而既明之後 有於我哉故 何以言之知都 路 而後行 致 新精美 夫口 則

去燭而夜行均為惑之甚矣 聖 欽 知義為萬事之宜必不自昧其羞惡之良而為偷安首 合之事矣此講學之公以明理為先也故書之稱堯曰 知仁為萬善之本必不逞私欲而為利己害人之事矣 者是猶舍璞玉而貴碌砆而 者則以明為本馬彼不務明 明稱舜曰文明堯舜天下之大聖也而其所以成大 理而徒以 彼不知而其行者是循 記 誦 詞章自

京四层台書

庭慈誨並誌書紳微 寶訓著論二首庚戊之秋手録文欽即以此弁冕全集 聖 非 恩賜御聯題曰立身以至誠為本讀書以 皇父駕臨上書房 兄弟盥手祗領謹懸座右爰以 親 教 敢 灑宸翰 人特以紀 云闡 楊 遇 **御製樂善堂全集定本** 悃 爾 明 理為先余 五

也其容人有包荒之量其任道有馬河之勇果賢也不 益嘗讀秦誓至其心体体馬其如有容馬未嘗不喟然 体休之色見於外賢人爭為之用爭為之用即爭為 且遠也可以為千古相臣之法矣古大臣之相天子 興日懿哉賢人之為國寶而容賢者之利人國家至 用也豈樹黨立朋者所可假託哉彼小人者冒嫉為 休休有容論 也果不賢也不昵於朋也是其体体之心根

灾

匹厚全書

P

房杜非前古大臣之比就其所以稱賢則皆以有休 爭而房杜讓其直英衛善將兵而房杜濟以文夫蕭曹 房杜蕭何薦韓信以成王業曹參禮益公而民歌清静 之量也李林甫盧把韓佐胄賈似道之徒妬賢嫉能固 心懷私脩怨所致者好人附勢者也所斥者直士抗言 新唐書赞房杜謂帝定天下而房杜不言功王魏善諫 國亦隨以泉微三代以下稱賢相者漢有蕭曾唐有 也其記記之泉見於顔面是以賢人遠去君子道消

飲完日華至書 一

御製樂善堂全集定本

六

其誠諒其忠故諫無不從言無不聽雖宣王聽言之差 柔嘉唯則天子是若益其誠信素達於人君而人君 卒童以為萬世大臣之標準數 安石之才學終有不容人之議此容賢樂善之所以難 也此秦誓所稱休休有容曾子特表而出之於大學之 詩曰衮職有關惟仲山甫補之夫仲山甫之補衮職 小人之尤矣即以李德裕之忠直未免有朋黨之失王 信 而後諫論

為臣者亦當思所以善進其言之道馬夫人臣諫 亦山甫取信有素也故子夏曰君子信而後諫可謂 可易嘗也必能進思盡忠退思補過職業修於沒官 咈之盛而致治 進言之道矣益君臣一德上下志通然後可繼都俞 使人君信之而已若素無忠誠之心則雖激於一時 忠誠達於未定之前然後法語不傷於猛異語不 是故為人臣者必無恝而不諫之理但當素盡其 於照與故人君聽言之道固不可解 君

2. d.15 御製樂善堂全集定本

昔周公繁泰之九二首言包荒解之者曰聖賢之心無 而其忠誠天下後世自信之也 之與太宗信而諫者也陸勢之與德宗不必待其信 諫者也而後之人均是之者以贄雖不能信於德宗

天下之害甚於一日斯亦可以待其信而不言乎故

事至於危急一日不言則民受一日之害一日不言

强諫而於國事終無濟也雖然信而後諫理也若

·薰德沐義非仁無以得其心而非寬無以安其身二者 惟寬然後能並育無容衆皆有所託命易貴包荒職 名 棄物堯舜之道欲並生非包荒則不足以體天地之 而盡君師之道也夫子歷論堯舜禹湯武王授受之命 故耳益寬者仁之用也仁者元之德也元者善之 雖二而理則一也故至察無徒以義責人則難 以是而推之則所以位天地贊化育者皆在是也泰 之日寬則得聚益自古帝王受命保邦遐邇智風

Ē

A. A.In 御製樂善堂全集定本

寬以待 思 王者不却聚庭故能明其德 則 何益哉孔子舉寬信敏 Ü, 讓土壤故能成其大河海不擇 勤於為治如始皇之 教人之意其深切 脱 物包荒納垢宥人細故 誠 服矣苟為不然以 程 公以 而著明矣平 石 何則寬以容之故也誠 成已大德 觀書隋文之躬 福急為念以 明 歷聖之道而以寬為 細流故能就其 以則人亦感 刻簿為 親吏 其

過不及之差馬古昔聖王之治民也漸之以仁摩之以 忠信孝弟之行皆備於我然聖者能之而賢不肖則 能以為道故率性之謂道實天地自然之理也然性無 人禀五行二氣之靈首萬物而具五性仁義禮智之 行其道故曰脩道之謂教非道之外别有所謂教也益 上天春命作之君 道之大原出於天禀乎天之命以為性而因乎性之良 不善感於物而動則有欲欲日以引而道或有所不 師 使有以節民之情而復性之善以

尼 事全書 柳製樂善堂全集定本

自 節之以禮和之以樂薰陶涵養使德日進而道自 而義之為教 禮之為教行矣 邱之行 於十室而 入學迪以 明矣立此四 而信之為教得矣故君師之責脩而道 而仁道行矣分貴賤定上下明賞罰雜 行矣鄉 人民惇厚後世莫及益教之以孝友 性之 師 飲 所 友 社會以及冠婚喪祭莫不 固 VX 而 使民 解 有老而靡他馬 其 E **感學校以尊其趨** 就 月 腟

能明德以新民脩道以立教 有哉而昏庸之君 仁宗皆朝乾夕惕勤勞匪懈然不圖其本而務其末 天無不賦以性之人則天下無不能率道之人人 有惠愛之政而無教養之實方之漢唐則令主比之 虚三代以下致治之盛如漢之文帝唐之太宗宋 則庸君此 無他教不能行則道無由明於天下也 自謂不能而不行英明之君自 則朝 行而暮效矣何難 謂

E 9

d, d.in 御製樂善堂全集定本

而不屑此三代之治不可以一

日復而民之固有

代之治乎何有 道不可以一日明也夫正身以正朝廷正朝廷以正百 官正百官以正萬民因民之善以立教即因我之教以 人之一心至虚至靈具泉理而應萬事備五常而制百 性而古先王所為牖世而覺民者在是矣其於復三 敬以直内論

未有大於此者也然放而不存日以昏昧泉欲攻之舊

行益人所得於天以主乎吾之一身應乎天下之事者

之主宰而敬者又一心之根本聖賢之學無非 **粪復存夫子贊易所** 心而所 而成終者也苟存心不以敬則 力行必不能寫實返躬以還其性之本然是故文 其流由是而致 錮之故雜慮紛紜而不能復完其至虚至靈矣惟 無適以全其無妄之體則吾心之虚靈不昧者 以存之之要亦不過殺人主敬 知必不能 謂敬以直內者是也益心者 默會乎事理之當然由 無 以澄其源又何 ,敬者所以

3

虚妄情弛終日乾乾開邪存誠則所謂敬者卓然在我 本心存存不放於外而萬事萬物之理可随時而照察 夫天下安寧治登上理必賴明良一德咨謀啟沃然後 人之學也學者當存已之心蘇莊中正勿使有一毫之 祭益深知敬乃徹上徹下之聖功偶 心翼翼而孔子告仲弓以出門如見大震使民如 上下交而其志同論 離於敬便

之常經古今之通證也上下一心君臣相 志同可以現治世之氣泉矣益天高而地下君尊而 於伊尹成康之於周召皆以聖明之君交聖明之臣 亂合若符節信如應響故堯舜之於皇變稷契成湯 然天地之形不可交而以氣交上下之分不可交 理勢之當然也君之不可下於臣猶天之不可甲於 心交故陰陽和而萬物順上下交而萬民化此天 一心無續允凝而萬方順則也易曰上下交而 得則治反之

一 却製樂善量全集定本

鴻臣之忠言不達於朝廷國之大寶棄之於草野小 古君臣之以聖交聖然亦各以賢明之資得賢明之 侍左右而專事阿諛以取容雖有上下之分實無力 一於孔明符堅之於王猛太宗之於房杜王魏雖未 其致治之盛也勃馬三代下如齊桓之於管仲昭 風後世稱盛益上下志交則天下又安民受其福 爽也至於亡國之左莫不由君尊而臣甲志縣而意 定)輔同舟共濟言聽計從故其治亦得小康自

膺天禄而保祚無疆夫人君莫不欲得賢才以自輔然 處者豈無股脏心膂之寄哉然不交正人而所交皆小 謂之泰而吉與小人交則謂之否而凶書曰紂有臣億 當遠之禍乎故易之理無定而惟 人故殷以之亡武王之臣皆周召吕散諸人一徳一心故 忠張讓隋煬之用虞世基豈非交所不當交而遠所不 臣之誼豈得謂之交哉故二世之寵趙高桓靈之任 足可華全書 原 惟億萬心子有臣三千惟一心夫紂之所與朝夕共 御製樂善堂全集定本 在於貞與君子交則

隆古有何不復哉雖然此特為為君者言之耳書曰 碩 深藏不出而已矣在位之賢才遜荒行逐而已 信以待之上下一心交脩罔 無事未康至治不見者益所謂賢非賢而才非才也 果之存亦今日用之 謂 則果無賢才之可用數曰彼所謂賢者乃善己者也 才者乃能以巧 誠能舉天下之賢才登之於朝而不 桁奉上者也方是時草野之賢才 明日默之而已矣又何能久 懈 則天下有何不治 疑 誠以 矣 間 有

其道陳善閉 交泰之道而都俞吁佛之風日見於朝廷矣 不可不虚故易之中孚言立誠之學而咸卦則言受 夫君子之進德脩業也立身行已不可不誠應事接物 之學中不可不誠又不可不虛程子曰廓然而大公物 不謂君弗用而有解情之心夫如是然後上下相和 隣哉隣哉臣哉古之大臣 君子以虚受人論 那補衰職之所 闕其用與舍惟君之命 日立乎其位一 日盡

2

ò

di dila 御製樂善堂全集定本

異乎夫天地之常以其心普萬物而無心聖人之常以 無不覆情聖人之德同其博厚高明皆以誠積於中而 事為情尚有一巴之私心一已之私情乎故天地之 也情順萬事故萬事之情即吾之情也以萬物為心萬 其情順萬事而無情心普萬物故萬物之心即吾之心 照應可謂得行已受人之要道矣大象之云豈有 無沮也君子希聖希天必當以虚中為本如山之 近とって

虚如澤之潤則物有感而少通事無隱之不達虚受之

|善人而不受其言或外從而內拂之獨何心哉 見其益矣彼小人者或予智自於而恥過作非或种侮 物之助矣而能受澤故益增其潤君子之謙收善下方 治國必始於齊家而齊家又在於脩身身脩則孚與威 自然而合待之以誠而不使之怨臨之以莊而不使之 且自視未及培塿之里也而能虚以受人之言則當日 家人上九有孚威如終吉論

却訓衣泉善堂全集定本

心即可以成中孚之化矣夫以山之峻絕似可無借去

當善乎其終待之不可不誠御之不可不嚴在上口爭威 成惟有剛德故能爭威以待下治家之道當慎於其始防 益居卦終而有剛德得嚴威之道惟卦終故以象家道之 信與威相濟則永得治家之道矣不但父子兄弟夫婦之 之不可不密故初日間有家謂及其志未變而開之也又 人上九之文曰有孚威如然吉可謂得治家久遠之道矣 押則家道永昌以之治國平天下将無所不可矣易家

定四庫全書

間必如此而後得吉也凡家之中長幼尊卑皆當率是道

誠矣此又反身之要而治家者所宜先也 立愛惟親立敬惟長妻子好合兄弟既拿則人自感其 愛行止可法而不蹈非禮則人自畏其威矣自勉以 所謂學者豈照照馬徒事姑息為哉自勝其私語言可 則遠而不至於怨雖然所謂威者豈鞭撻等楚之加而 之則怨夫惟以威御之則近而不至於不孫以誠待之 以行孔子曰惟女子與小人為難養也近之則不孫遠 以終始其要无咎論

1. 一即製樂苦堂全集定本

十六

受天地之中以生其性固善然為私欲所蔽則心放供 事莫不具載而原始要終之道有操之一心而有餘者 夫婦昆弟朋友之倫日用酹酢吉山梅吞憂虞得失之 易之為道大矣以在天者言之體天地之撰括陰陽之 要以示人也益人之立志行已欲自践於聖賢之域者 故易大傳曰懼以終始其要无咎乃總易之道而提其 術固非一也然總而言之不外於戒懼一心何則 而統備乎五行萬物之理以在人者言之君臣父子

쉷

定四层全 音

而志湍 泰之為卦上下交而其志同也否之為卦上下不交而 天下無邦也然吉內頓異者泰之上六治極當亂之時 而莫知自省以至有過行而入於內外里人欲其思也 則 而戒謹恐懼故吉此非懼以終始之大驗乎推之謙 乃教以成始成終之道莫若以懼為本故繫泰之上六 它 日 車 全 書 脚 柳梨樂善堂全集定本 曰城復于隍否之九五則曰其亡其亡繫於艺桑去 交皆吉震之六文無內以能戒懼而得亨也豫上 心驕不能戒懼故凶否之九五亂極當治之時

之泉口冥豫在上何可長也謂不知懼則自言而向玄 也共之九二日陽號暮夜有戎勿恤謂能自懼則錐 於其終以持盛守成則處事之要為學之法皆備於 懼則能有孚矣危者使平易者使傾而終歸於懼以無咎也益易之要以貞為本懼則能守貞矣以孚為 始人能以此為法既懼之於其始以防微杜漸又戒 物不可以苟合論

速莫不皆然故禮者所以辨上下定民志天下之事 天下之事未有可当且以行者自小以及大自近以 正之於始必不能成之於終若不由禮而以苟合則 未見其可也葢自上古結編以降堯舜以文明治天 奉宗廟則有奉爵焚燎肅雅恭敬之儀以之接實客 是與馬稱治自益以往聖帝明王為治莫不以禮 有宴享進退揖讓升降之等以之理民則有分田 後漸之以仁摩之以義和之以樂而天下化成以

Allo 御東樂善堂全集定本

君能復古禮惟以一己之便宜而行一時之權變故有 有節有文而從無苟且以從事者秦漢以降無聖明之 則人之入於私而不能自振者皆由人心之動不能 禮而易之所謂物不可以首合者其義誠廣大而 儒皆以為尚道益凡物之所以成始而成終者草 迅且道心人心之分君子小人之辨皆在於是馬 逐爾因循為且以至於不可救藥而天理滅矣 教讓等威服用之文凡諸冠婚丧祭皆彬彬 次必由於禮無幾永然而無弊也 慎者也故子推其意以戒後之人當懲首合之失而造 於君子正身脩行不入於小人之域然小人或偽為善 以誘君子君子不察而與之交終身為耻此尤不可不

)

即梁樂善堂全集定本

九

御製樂善堂全集定本卷一	1 1	i	1 ;	
100	! !		1	
3.3	1 1	1	1	
一话	1 1	i	1 !	1
汶	1 1	1	1 1	
	1 1	1		1
4174	1			
-11-	1 1	1	1	1 1
11	1	è	1	1
1 7	1 1			1 1
一一一	1 1	1	i i	
1 4	1	<u> </u>	1	
		į.	!!	1 1
. ¥	1		1	
-	: 1			
A .	1 1	:	1	1 1
生		:	1	1
4.	1		1 1	1 2
往			1	
小		i		1 9
		!		1 6
亡				1
ルトー				1
製樂善堂全集定本卷一				1
+			1	1
4				1
				1 1
土				1
75				1
	1		1	
	1			- 1
	1 :	1		, ł
'				1
•		i	1	1
1	1	1		1
i			1	1 1
			1 1	
i	1		1 1	1
		1	1	
	1 1	1	1	
	i i	1	1	3
		1		1
1			1	
1	1	:	! !	
	į .		1	
	1 1			1 .
		1	1	
		ŧ		1
			1	1 1
	1 1	1	1	
	1 1			j
	1	1	1 1	1 1
	1	1	1	1
	1 1	1	1	
	1	į		1
	1	į.	1	1 .
	1	;		
1	1 1	1	1	1
		í	1 1	1
! !	1 1		1 1	1 :
				1 .
1	1 1	1	1 1	1
	1 1			1
	1 1	•	1	1
	1		! !	1 1

欽定四庫全書會要卷一萬三十二百十一集部 御製樂善堂全集定本卷二 論 嘉言罔攸伏論

君表正萬邦富有四海萬幾庶政日陳於前誠有所

不至明有所不問差之毫釐謬以千里古先哲王之明

一次 ミョ 車 全 書 一 御製樂善堂全集定本 之智有不同而天下之理無一定故恃一人之智以為 目達聽咨岳咨牧者亦期嘉言之罔攸伏而已益天下

屬萬事然天下千百人之智又何能盡兼萬事之至贖 智不若兼千百人之智以為智人君雖明足以照萬 臣帝之答禹曰允若兹嘉言罔攸伏君難其位而好 **教職之所關使嘉言讀論日聞於前然後明微燭隱** 言哉故大禹之祇承於帝曰后克艱厥后臣克艱 動恭錯不蘇者又何能盡明所賴人臣陳善閉那 不通而明無不照然人臣之能盡言者由人君有 君孜孜遇勉樂受盡言則人臣亦何惜

文帝唐太宗宋仁宗為令主然文帝仁厚儉約有餘 正言臣難其位而思盡正言此野之所以無遺賢而並 那咸寧也夫君如舜臣如禹而 定 四 車 全 書 脚製樂善堂全其定本 後世之欲圖治者各是豈有二道哉三代以降推 臣終日陳言繩愆斜診太宗屈巴從之貞觀之風遠 時無大儒骨鯁之臣宋仁宗有韓范富歐諸臣而工 在各類其位而受盡言舜又不敢當以為惟帝時百 盡其用惟唐太宗以英武明智之資得房杜王魏公 一時君臣之所共勉女

追哉禁紂幽厲始皇之亡 也其時之嘉言無聞馬豈果 紂殺之厲王設監誇之巫始皇有妖言之禁夫舜禹 臣兢兢馬惟恐嘉言之伏而此數君者方過之絕之 無嘉言之臣哉龍逢有嘉言而禁殺之比干有嘉言而 而罪之欲其不亡豈可得乎尚論者所以遊心於都 有言逆於汝心必求諸道論

過於文帝仁宗者職此之由由是觀之納諫聽言顧

然後正心以正朝廷而天下皆化於正雖其言之從 是者固有猷有為有守之純臣也然不可常見也吾問 窮經服膺聖學將以與治教於天下效忠悃於吾君 而耳目所不及思慮所未周則或壅蔽不明必頼忠 臣謹言之士明辨事理之是非以啓其聽而開甘 下之事知無不言言無不盡雖履尾批鱗而不顧 《諸道而已矣今夫草茅爛穴布衣韋帯之士白首 身撫取天下臣民之衆雖有聰明春智之

户 日 車 红 五 一 御表樂善堂全集定本

言而百部承之行一事而爭先領之謟諛之日進佞巧 古來之臣欲言數事而進對之際十去其七八者多矣 其言而逆於心者必察其表情求諸正道而虚心以受 固不存於心也人君何賴馬故為人君者當納諫求言 之日精其心惟在持富貴保龍榮於天下之治亂安危 非天威咫尺難於盡言乎然猶不可多得也人君出 之事理臣工之賢佞民情之疾苦風俗之厚薄的 一致志以從之如是則嘉言正議日聞於耳而於天下

周自后稷公劉太王積德累仁至於文武而新天命撫 聽言者當知所鑒矣 燭易如指掌以之出治理民何難之有哉即以太甲 終允德而復位則惟伊尹之言是聽是逆於心而求 身論之不惠阿衡之時伊尹作書以告矣而王維庸 念聞是逆於心而不求諸道也是以有水圖之戒既白 也是以為守成之今主不求諸道則亂求諸道則治

欽

密則寬裕而有容粹精而不雜宏深者乾道變化各正 極不密則不能使冲漠之中萬象森然畢具故宏深靜 性命陽之德也静密者坤厚載物德合無疆陰之德也 天下其所以潜通帝載儼然若臨者固無時而間也然 静密之德有以夙夜基天之命也益王者受天命以臨 有四海然繼續其光明以承前業者則又成王之宏深| 合是二德而夙夜無怠以承之非至德其孰能若是乎 不宏則體有虧不深則用易竭不静則不能定性以立

武王也夙夜基命有密者成王也其畏天保命則 孫永頼豈不宜哉 春秋為尊王之書始自隱公不曰王春正月而曰春 是以文武以之得天下成王以之守成命延祚八百 月者其意深矣益春者天之所為也正者王之所落 顯亦臨無数亦保者文王也我其夙夜畏天之威 欲王者奉若天時諸侯上遵王法示大始而欲正本 春王正月論

1. 17 印製樂養堂全集定本

五

也 月 之月統 則無法故以春居王之首諸侯不尊天王則無正 周者况春秋所書春正月無水春二月無水若用 居 穿鑿胡氏行夏時之說 歲之首所以教後之王者上承天以制法度下 层座 以春生之氣賞四時以王者之命正諸侯以正 諸侯則政行而教舉矣至於體元 正月之首政者正也政莫先於正始故 歲王者所行公上本於天不承天以制 卷二 雖以伊訓證之而夫子乃 調元之 以正 該 月 故 跃

灾

楚子圍鄭晉又不能速放以至鄭與楚平至夏六月而 夫戰而言及主乎是戰者也春秋善放困晉師之為郊 泌 不應尚有殺矣周之改月改時何待論哉 一則無水不足為異矣冬十月隕霜殺菽若夏之冬則 後也為救鄭也救鄭而春秋不書又不言楚晉戰于 而使晋主之以罪晋者何也陳入弑君而晋不討春 晉前林父帥師及楚子戰于必晉師敗績論

後使林父郎師救之斯緩矣故救鄭不書責緩也至於

9

ž

1. A.S 御製樂善堂全集定本

首為乗甲曳兵之舉故後誅先毅不去其官此稱敗 特以林父主之所以著其失權惶惑敗衆亡師之罪 於師也是故縣陵之戰書晉侯及楚子戰主子晉也書 厥分惡之言知難而胃進是棄其師也而又鼓於中軍 林父之罪則在不能制取其屬畏失屬亡師之罪從韓 楚子敗而不言師君重於師也鄭伯伯也序于楚子、 以戰者志乎戰者也君傷則不言師敗績者君重 晉侯及楚子鄭伯戰于鄢陵楚子鄭師敗績論

Ŀ

盟蜀儼然主列國之盟晉之靈成景公屏息而不敢 鄭為拔長驅中原周之宗祀其幾不為荆蠻所滅乎 至属公乃能 者凡戰先主兵者楚主兵而郭從之也稱師以敗 若非晉文城濮之一 無傷則師為重也而抑楚子罪鄭伯幸晉勝之義 而楚復盛自首林父郊之敗楚之陵駕尤甚十三 而備矣益自蘇桓沒後楚勢方張横行列國悉陸 敗之於鄢陵可謂幸矣不然者楚將 即可以其多宝宝不足去 勝則楚害有不可勝言者晉文

文公自城濮之勝主臣一心用垂霸業属公勝於郡 周自平王東遷政令不行禮樂征伐自諸侯出於是朝 觐之禮廢尊王之典表而會盟征伐一歸霸主順者安 而遽自驕縱以殞其身以是知范文子之言可謂遠 作三軍論

之逆者伐之王綱陵夷而天下之事不可為矣魯自隐

公至於襄公凡九世而襄公之世三家始專政所謂自

武於增兵備敵而作三軍三分曾地而十二分其民季 專魯已數世至於宿而遂懷竊國之心故來襄公幼弱 為二軍至是忽以私家之来補公室之伍而為三軍 氏得四叔氏得二孟氏得一而歸其五於公以事大 諸侯出十世希不失者也三家之專政始於作三軍三 軍者魯先公之受於天子者也魯頌曰公車千来公徒 三萬則三軍為魯之舊明矣而云作者益魯已廢三 謹書其作毁而季氏險戾無君之罪畢著矣益季

一 一 御制衣樂善堂全集定本

赘疣而二子亦不得不屬服於季氏矣其毀中軍 則 師承貢則李氏沛然有餘而公室用多二家力少甘 四分會國之地與民季氏得二二子各 京四厚全書 1 公初立叔孫身死家亂而急奪馬故余嘗謂宿之 得 二家之民屬公室者如陷坑阱急思自脫故 三故 公民咸順馬而公莫可如何也方作三軍時 不毀又顯今於國中入李者無征入公室者 叔孫雖知其不可而 不敢固爭至於毀 不獨君岩

征

誓出自諸侯轉不能保其無寒出自大夫則可必其 自平王東選王室里微諸侯放肆會盟征伐 未備云 而政在諸侯矣及其末也大夫擅權政歸私室會盟約 三月公會晉侯宋公衛侯鄭伯曹伯当子都不 伯 祀伯小称子于溴梁戊寅大夫盟論

分養齊三柳分晉之前轍也故持發其義以補先儒

萬世亂臣竊國之渠魁而三軍之作毀則田

飲定四庫全書 一一 御製樂善堂至集定本

溴梁之會諸侯皆在大夫主盟聖人謹書之以爲諸 信此溴梁之盟所以偏刺天下之大夫也孔子曰天 盟已非正矣而又至於大夫專盟使君若贅疣馬 心安有不亂世道安有不衰者乎自此之後晉移 八凡所以傷周之衰陵夷至於諸侯專政又陵夷 ,歸大夫風愈下而俗愈卑天下之事不可為矣 則禮樂征伐自諸侯出又曰天下有道則政


加之適足以見彼之無禮耳故黒壤之會公不與盟則 春秋為本國諱臣子之於君父理當然也然內屈外 之會德則不競於兵甲之威以肆脅持之術非若里 則諱之外屈內直雖受辱不諱也曷為不諱人以無 會有以啓之也故曰溴梁之會大夫不臣也 不與盟而一諱 在在公也平丘之會公不與盟則不諱压在晉 侯同盟于平丘公不與盟論 一不諱馬聖人之意可見矣益平

And to state of the

御製樂善堂全集定本

煩言之啧啧方之桓文衣裳之會益亦末矣晉之君臣 盟王臣之罪耳况平丘之會晉之甲車四千来徒欲 於魯何有馬且王臣無下盟之禮公不與盟正可以 威於衆至自言雖以無道行之必可畏也而終不能 正也受称苦之醬而不見公非若被不相朝聘 争承权向皆以辯給幸而勝之晉伯之不振自是 罪也是則晉恃兵力貪財賄而以無禮加兄弟之 施施然安於不競無情恥自强之志而齊人

	i		ī	1	1	1	127
欴							益甚矣
E						1	甚
Э							至
Þ							7
ž-							
r cray							
实 NE 习事 新 新 一個教學善堂全集定本		,				The second secon	
及木 十二							



書曰立爱惟親立散惟長始于家邦終于四海古昔聖 欽定四庫全書舊要卷一萬三十二百十二集部 御製樂善堂全集定本卷三 王之治天下也脩孝悌忠信於一家之中老吾老以 之老幼吾幼以及人之幼然後化周天下而風俗 爱親者不敢惡於人散親者不敢慢於人論

美故書之稱堯曰九族既睦平章百姓詩之美文王曰

愛親問安視食欲其身之康强而無他也則推而以及 其親豈非大孝哉然非徒養之又以以得其歡心為貴 刑于寡妻至于兄弟以御于家邦聖帝明王之致治保 而欲得親之歡心則在爱之敬之而已矣雖然徒愛 無他也孝經所謂爱親者不敢惡於人敬親者不 惟推此心以及天下親親而仁民仁民而愛物舍是 而惡於人徒敬其親而慢於人未足為孝也以上而 人益孔子教治天下者以大孝也夫人君以天

得乎其本馬故也否則不愛其親而爱他人者謂之 於人而人亦不慢矣愛敬之道尚有大於斯者子於 在下之民皆欲其豐衣足食以享太平之業內而数 ·]] int !: 4.15 | 御教樂善堂全集定本 者仁義之用也愛親敬親者推施之本也盡愛散 可謂能推已以及人不惡於人而人亦不惡矣 而由近以及遠所謂以不容已之心行不容已之 以及在外之臣工皆散之以禮而弗敢押侮夫如 ,聽於無聲欲其親之數心而無問也

天以陰陽五行化生萬物陽以生之陰以成之生仁 推此誠心以及於萬類馬斯已矣 人貌為爱敬則所謂傷禮敗倫之大又可謂之不惡於 成義也陽以時出布施於上以主歲功陰入伏於下 不慢於人乎夫子推言其本而大其施是在君人 不敬其親而敬他人者謂之悖禮彼薄於所親而 出佐陽是以陽開陰闔春温秋肅而萬物生生丁 以仁育萬物以義正萬民論

安田屋 二三二

山澤之利衣服宫室以安其體舟楫服牛来馬以流 後能致大順大化以成祭天地贊化育之功故通書曰 古昔聖王制治保邦其養民也為之分田樹畜五畝 以仁育萬物以義正萬民以見聖人與天道無一 樹之以桑使之饑饉有俗祁寒有樂網罟佃漁以 仁以育之者至美又思養而不教則近於禽獸於 相天地之宜以左右民亦必仁義兼施德禮相維然 養坤載之中此天地之大用也聖人法天而方

尼 四 車 全 書 御教樂善堂全集定本

其以義正之者又如此於時之民很知識而順則者 以斜之為嘉石園土之罰以懲之終不移而後附於 資以為用也後世人君施一二善政於民曰此仁 民即於陷溫義正而不仁育則民苦其嚴急二者 庠序學校以教之使知父子有親君臣有義夫婦 以黎民於變而教化大行不然者仁育而不義息耕鑿之倫被聲教而暨託者届乎東西朔南 幼有序朋友有信有不率教者為鄉遂寄棘之

君人者治世之大本位天地育萬物皆由是以達之耳 相怨之弊士有偷惰苟安之習無奮然而起以拯天 天天下和平萬世水類者以聖教之昭大道之行可以) 附開萬世之業者惟賴聖王盡已之性以盡人之性 人於天下後世也去聖人遠道丧文衰故民有相爭 為萬世開太平論

即人既為聖金原足本

此義正也則民反受其毒而生靈苦病矣故仁育義

公實惠於民何有馬甚者以刑殘民以罰困民

愚賢否强弱衆寡不能秩然而受氣然其本心之良未 之中為千載之規範然後謂之胎殿孫謀萬世水頼可 明明德以新民使天下禮明樂備雍雅然於光天化日 法聚之於库序學校董之以孝友睦蝴使民成歸於 嘗盡民聖賢者與因其固有之良而施其禮樂刑政之 欽定四庫全書 也益民受天地之中以生仁義禮智成備於我首萬 而最靈惟消於私欲無明善復性之功故尊軍上下智 道燦然於天壤雖有後聖者出不易斯道此張子於

管商申韓之學徒以刻簿許偽之私陷羽天下後世之 亦脩道明倫垂世立教其為天下後世計至深遠也 一民立命為往聖繼絕學為萬世開太平目雖有四日 心而已太平之開尚何望哉張子謂為天地立心矣)統之傳有敬德勤民之功孔子孟子雖不得用於 而巴耳何則天地之心即所謂大哉乾元生物

)脩此身以治人而已是故堯舜禹湯文武周公

內世開太平也然其所以開太平者亦不過窮

, 與教樂善堂全集定去

之心也人能體天地生物之心去私以行健仁心以爱 民斯亦開萬世之太平也為民立命即教養之謂也首 之學以給先聖之微言開後來之志士斯亦開萬世之 之所由以傳也果能偷身體道闡精一執中克已復禮 能養之有道教之有法禮樂刑政平中明允而可以為 用直內方外之功知行並進使體立而用行德崇而業 太平也故曰其事雖殊其理則一也有志於聖賢者當 干載法斯亦開萬世之太平也繼往聖之絕學即道統 安四厚在 言

藏之各得其時然其所以大生而廣生者亦曰易簡 豈不思一事不慮一物兀若稿木而已哉動亦定静 微然其所以聰明而時人者亦曰定性而已矣定性者 天地之大德日生終萬物始萬物而萬物莫不生長收 廣則所謂開萬世之太平者當不為虛語矣)矣聖人體天以治其心以脩其道以合體用而貫顯 動亦定靜亦定論

定乃其所以為定性也善乎易之成九四曰貞吉悔

即以及其大的皇子八七大

懂懂往來朋從爾思貞者定也定則吉而悔亡矣憧 往來者不定也不定則朋從爾思朋從爾思內可知多 静之定也物來而順應動之定也静定故主 萬事非動亦定静亦定之謂子君子之學原然而大公 程子亦曰天地之常以其心普萬物而無心聖人之 以其情順萬事而無情無心無情者非無心無情也 心無弱情也惟無私心故心普萬物無弱情故情順 洞徹而内邪無自而生動定故順理而行措施咸當

欽

定四庫全書

是哉 而用志不紛於外內外兼脩本末俱備入聖之功旨 君受天明命表正萬那必當使天下 治天下在得人論

猶待學變稷契之輔以亮天工而熙庶績况未及乎

被奢生仁及庶物然一人之聰明有限堯舜

而可不以用人為急乎古之聖王自公卿大夫以

其任賢者在位能者在職故天下治而

PH WELL AND ALL CALLE

時大治後世頃聖而人君亦享其安康詩日濟濟多 一新定四庫全書 美 美三 張良蕭何故也光武之復漢有鄧禹馬接故也唐上 夏安百姓樂業風俗淳厚惟其用得其人而已歷觀 之與唐有房杜王魏故也宋太祖之與宋有曹彬稱 文王以寧書曰惟后非賢不义的人君知用賢為貴 也即繼世之君使天下富厚治幾三代者如漢之 以下願治之君义求賢良之臣故漢高祖之興漢 則有周勃申屠嘉宋之仁宗則有韓范富歐陽好

馬者待以師傅之禮隆其體貌推以誠心聽其謀就 |曹絕世也而獨以為難不亦感乎今夫為巨室必求工 為難則是自畫矣夫以人主之勢心之所獨天下景於 以禮弱之以誠使之邑勉以任百執事之職則天下 致之亦可以致也况賢人君子未出寰中也其心亦未 珍禽異獸遠方難致之物外國絕域之所生心的於 不治而政事有何不舉者乎若曰用賢非難而得 任俾有以行其道而盡其才雖中才之人亦待之

アーランションション ひった こしこへ

藝黃之績庶司小吏各稱其職百僚師師中外相 是則天下之賢威登用於朝大臣有鼻變之風牧民有 才任以朝政信之無疑又使各以其所識舉之朝廷 夫却行而求前守使人君好賢之心若渴聚天下之 雕璞王必使王人馬有治天下而不求賢才是何思 此彼昏庸之君好賢嫉能親小人而遠君子者其 化而為敢言者矣由此觀之人君一用賢而其於 二小人苟容於朝亦如裴矩之佞於隋當太宗

野之意用能恭默思道帝費良獨而嘉靖殷邦論者謂 一昔在高宗舊勞於外爰知小人之依舊學甘盤乃切以 最要而人君不可不知者也 服又何能盡其謀猷乎近色則心昏貴貨則志鄙尚能 益賢人君子正已不屈若人君聽說君子將枚禍之不 藏之甚矣孔子曰去讒遠色賤貨而貴德所以勘賢力 用君子之言乎君子亦將飄然而遠去矣此又用人之 傅說論

ここ) 」」」」」「一個人即都樂善堂全保定本

為乃聖人至誠感通之妙道也說以版築之人一 海輔德迹其交勉之言皆經世綜物之要克副鹽梅 相位左右段宗首以從繩從諫進說用能於天心納 之卜得召望孔子之夢周公此皆非機心巧術之所能 夢寐之問帝養之以良弼亦如舜之見堯於養墻文王 許之行哉誠以精誠通於神明統一 不二與天無間故 宗尚知說可相矣以人君之力何難於雅用而為此說 高宗素知傅說假以夢寐乃聖人之神道設教耳夫高

就君德則盤先於說終民治世則說多於盤且周公推 楫之任君臣相得益彰豈不堪與帝廷之屬歌比降 命則舍說孰克當其任哉 列庶位暨海邦而仰皇風紹乃辟於先王對天子之休 本高宗求賢之美而歸其功於甘盤耳至若招俊人 或謂君真之篇稱武丁甘盤而不及傳說者何也養 大武王管洛邑使周公居之以監殿頑民非有意於 周平王東遷論

NI) I Lat. di dila 一种刺来喜堂全集定本

其末欲求其安其可得乎詩曰古公亶父來朝走馬 者本也本摇而末安者未之有也今平王舍其本而求 子瞻曰周之失計未有如東遷之謬信哉是言益王 遷居洛邑而周室遂微雖未即亡然終以不振矣故 謂古公遷岐而與周當是時太王一 卜居九門以衆天下之中以撫 段民而已其後平 患非捐所有以與人也今夫有盗賊之患者必隆 不得已遷岐以立國也盤庚之遷復殷之舊也班

天子之名而無天子之權非平王之過其誰之過哉故 所恃以為安者也東遷之後諸侯不朝政歸盟主雖有 就定四車全書 · 日周之失計未有如東遷之謬者也 御製樂善堂全集定本 土

之属王之中衰也宣王能與之是皆不棄其舊物而有

定者也平王之東遷也一遇盗而遂棄其宅者也垂

宅而求安此平王之所以謬也昇捉之亂也少康能

牆馬防其户馬斯盗無由而入矣未有一

遇盗而棄

夫脩內者王脩外者霸湯武行仁義而王天下齊桓 可憫者也夫蘇桓用管仲 仁義而霸天下脩内者本於心物來則應事畢則止脩 若宋襄者內不脩德外 之日如是其勤也協比諸侯輯寧東夏垂二十年 不免於意滿心怠身發 此齊桓之所以九合諸侯一 人之智力應天下之萬事故 老三 一而信任之城邢救許存衛 國危何則脩外 脩 政至愚而可強至陋 一连天下功盛業 , 日少解 不

亦甚矣為宋襄者當脩已睦隣養威植德以圖後舉而 之己而求之人盂之會執之自楚簿之會釋之自楚辱 在已矣都曹來會而謂諸侯歸已矣至於用部子執滕 其難也而宋襄欲以頃刻霸天下甫納孝公而謂霸領 成列不禽二毛身傷而死亦可憫矣夫襄公無所掛立 子圍曹邑其暴虐無道巴甚矣而欲求諸侯於楚不求 不自量力伐鄭致楚泓之戦猶狃於迂論以為不鼓不 小無患然後問包茅之不貢而楚受盟定霸之功如是

钦定四車全書 柳教要善堂全集定本

皆諫矣而皆不聽於是前有被執之辱後有身死之 一而列於五霸之中諸儒多論其愚謬而不言其所以霸 由是觀之用一賢而一國治失一賢而一國亂不准 及其所以敗者余當考之左氏傳宋襄公之為世子也 之則宋治用部子目夷常諫矣圍曹盟鹿上伐鄭目弟 以聽政於是宋治則知宋之所以治與其所以霸及其 讓國於目夷目夷不肯既即位以目夷為仁使為左師 以敗皆由目夷之用與不用也使目夷聽政而信任

亂身且死馬豈不可鑒也哉桓公用管仲而覇文公用 用賢納諫為急則欲行王道而正身以正天下者豈可 子犯而霸秦穆用百里奚而霸楚莊用孫叔敖而覇 不以用賢納諫為急子 襄始用子魚而覇後不聽其言而死覇天下者猶當以 晉悼公論 人勢漸張晉霸不振靈公政墮柄分無抗霸業 又倡霸後之子孫世嗣其業然靈成景厲四公之

欽

定四庫全書一即教歌善堂全集定本

成公力弱事淺無覇諸侯之權景公心勞謀好無則去 堅忍而持重有長慮却顧之思無逞志快意之舉是以 踰德師不陵正旅不逼師以靖内而撫外忠厚而不 乏国救災患禁淫慝薄賦斂宥罪戾節器用時用民欲 無犯時以定國本其圖霸也舉不失職官不易方爵了 以幼沖振覇畧其入國也施舍已責遠鰥寡振廢滿 下之界属公外殭中乾無服人心之道全於悼公乃能 城譚滅遂執曹衛之失而諸侯從之不令而來言

中行偃則伐秦遷延不討衛賊悼公亦怠終而不振余 魚石九合諸侯服鄭的楚而悼公亦清明而無失政 也以用知瑩其後之衰也以用中行偃用知尝則討定 之故數且不討孫林父寗殖之惡而盟之以定衙剌則 盛而不言晉悼者豈其蕭魚之後霸業遂衰大夫用事 桓文必不若是也豈非中行優貽之患哉益其始之盛

霸業之盛方之桓文為已過哉然稱霸者獨許桓文多

故表而出之以明君天下者必自擇相始

ア製衣在下書堂全集定本

古

未嘗不大書特書屢書而不一書所以獎人為善之意 春秋乃聖人經世立教之書忠臣孝子義士節婦之事

著足以為天下婦人之軌範乎然紀叔姬之守義善終 又未若宋伯姬之遇災而守節不渝之難也其處變不 深矣故紀宋二姬屢見於經豈非以守節不渝貞義的 改其常遇災不失其志實足以為天下後世之標準也


今夫安居無事之日自許其身為賢聖不以死生患難

經以戒後世之處變者此義若行天下豈復有亂臣賊 河不足以為勇若伯姬可謂大勇矣是以聖人筆之 若守義而死逐速於大魏子泰山不足以為高暴虐 志易其心者多矣男子猶然况婦人乎而怕姬年至 子哉伯姬非特天下婦人之軌範亦天下男子之軌範 十大炎其完必待傅姆之畢至其心以為越義求生不

ア製業善堂全集定本

Ł

動其心者豈鮮也哉及事變之猝至橫禍之突加失其





對官檢討 校官無吉士臣 謄 録 監 止生 臣 臣 張 JL 王 褔 廣 能 ĦĠ. 枚 清

欽定四庫全書 曾要集部

詳校官原任編修在徐立網

莫難於悔過美甚難於改過武帝即位以來內多欲而 外施仁義繁刑重飲崇尚方術內侈官室外伐四夷中 贬之矣然余則以為猶有可嘉馬何也人莫難於知過 御製樂善堂全集定本卷四 金定四庫全書管要卷一萬三千二百十三集部 C 1. つ 1. 1. 1. 加製樂善堂全集定本 論武帝者以為窮者極欲好兵騎武與秦皇無異

熟若無過之為全哉况天子一時之過即天下無窮之 數世者宣非輪臺悔禍之功哉益武帝英明之主其向 律考禮儀則又有功於後世者雖然與其知過而能改 是乎至於興太學舉孝蔗脩祭祀改正朔定歷數協音 之所為者固羽於一時之私而不自知及其翻然改過 旋乾轉坤視昔之所為恍如二人非英俊明智其能如 為天下笑武帝發後稱為世宗上配太祖子孫承之歷 外疲散遠近因之實無以異於秦皇而秦皇身死國危

速柔懦者其亡緩亡速者一知其將危而濟之以寬和 自古亡國之君或失於剛暴或失於柔懦剛暴者其亡 古之賢君亦何以過哉 害也使武帝而無前非加之以休養生息用賢進能雖 者亦無以善其後矣故剛暴之亡國也或聚飲誅戮之 巴甚衆叛親離而祖宗之德澤未泯身雖亡而國祚有 循或可救於宋路亡緩者日甚一日為胥以新雖有賢 漢元帝論

次 (E) 日 日 A A B B B B 全集定本

亦何所憚而不為哉雖質本仁柔性好儒學貢薛章臣 帝比隆哉顧乃信官寺之讒望之死而更生廢堪疑點 帝早能英對收攬乾綱謀極恭顯為國除害豈不與宣 當即位之初蕭望之劉更生周堪張猛皆正人也使元 者是柔懦之亡國又甚於剛暴也元帝之失失於柔懦 不絕者馬柔懦者或權臣或國戚或官寺或女謁大權 而猛自殺望之之死僅得恭顯軍免冠一部而已小人 一失威福下移身雖苟安於一時而至子孫未有不亡

盖以數萬烏合之衆深入遠關以當二十萬守險待敵 兵以正合以奇勝所謂出奇無窮者乃由謀審志決雖 外見危形而實立於不敗之地若韓信行水之陣是也 好儒乃徒事文墨媚典故之儒而非為學守道直節不 钦包日華全書 都樂等堂全集定本 元帝而脩論剛暴與柔懦之失著於篇 阿憂國忘身之儒也漢業之衰不自元帝始哉吾故因 韓淮陰行水陣破趙論

迭為丞相然所謂仁柔乃姑息之爱婦寺之仁也所謂

其管以乘其隙趙人果空壁而出而管拔於漢動其本 之兵若以正合必無幸矣信謂驅市人而戰之非置之 雖多亦無如之何矣所謂謀審志決外見危形而實立 矣還顧則本既動摇以戰則我有固志奮死之卒彼軍 誘趙以行水之陣趙方以信為失計故空解而出而二 之道是以其卒與敵也故以精騎二干伏趙營側然後 干赤幟已入趙群矣既背水為陣以固士卒之志又伏 死地則皆走其自審可謂明然使置之死地而無少勝

帝作傅之子孫為三代以下享國長久之首雖天命有 自秦失其底海内擾亂英雄羣起以爭天下項羽滅秦 之奇變皆握以勝之謀知已知彼而非嘗武以徽章明 於不敗之地也白起自言其破楚敗魏潰韓乃計地利 矣 軍勢自然之理不足為神與信之破趙恭觀則知兵法 以暴易暴而高祖用賢任能豁達大度平定海內卒踐 こ、一」」」」」」 知製樂善堂全集院本 西漢總論

惟帳無文繡約已師儉為天下先南越自立以德懷之 所竊哉文帝入繼正統寬仁恭儉愛民務本身衣弋絲 若無周陳之忠宗藩之强則漢室之祚幾何不為日氏 惠帝天資仁厚乃遭日后之虚就於酒色以自战其身 能全者雖帝之失亦請臣之身無兢兢於當世之禁云 為謀主以蕭何為相以韓信為将而終以減楚豈非知 歸亦高祖之英明足以為開創之賢主也觀其以張良 人善任之明驗乎獨即位之後刻薄少恩有功之臣鮮

賢約諫為可稱耳孝昭以幼冲之年辨霍光之忠可謂 術開疆擴土凡害民之政無不行馬獨其崇儒重道求 遠削七國又怀七國之强而殺量錯周亞夫以方正功 明矣使天假之年得儒學名臣為之輔則周之成康不 仁義窮兵贖武渡民獎國官室苑園盤遊急教神仙方 臣被殺則景帝不無少恩之談云武帝內多欲而外施 馬景帝遵父之政與民休息亦稱小康然聽電錯之言 匈奴入盗令邊備守專務以徳化民培養漢祚帝有力 (こう) こと、この一脚製樂書堂全集定本

成帝不任外戚剛明以在政則漢祚之傳熟絕之哉天 所以七其國者亦在人君之自取耳使元帝不任恭題 遂篡漢位夫自古國家有威必有衰理勢之必然也然 道趙葢韓楊之死為累多矣至於元帝優游不斷賢望 起自帝孝成荒於酒色委政王氏哀平短祚王莽乘熱 之堪猛而不能用惡弘恭石顯而不能退漢紫之衰始 必罰官稱其職民安其業可謂賢矣然好刑名而雜霸 是過也宣帝起於問卷知稼穑之艱難褒賞名吏信賞

宗主使新弄得肆其姦慝以成篡盗之禍幸而文景之 承祖宗之重下植子孫之福豈特一時稱賢君而已哉 自古中興賢主夏有少康周有宣王漢有光武尚矣考 化在人百姓未忘漢故光武起而天下響應遂城中與 其所以與皆由英明大度用賢任能寬以愛民仁以無 以是知人主朝乾夕陽爱民培國不敢少遑者所以上 不作漢遭漢中微國統三絕而孝元皇后以壽考為之

天 己 日 年 在 書 一 御教樂善堂全集定本

道褒賞循吏西域遣子入侍却之不受又非好大喜功 步之亂成雕蜀之功戡亂誅暴平定海內卒践帝在功 當王莽之亂也漢家宗室幾絕廢斥王侯以朝漢祀城 武乃以布衣仗義會於大呼天下響應鄧禹馬異思向 邑為墟邱雕發掘其禍甚於昇汉之亂奔氣之厚而光 烈不讓於少康周宣矣及天下平定口不言兵尊儒重 耿弇吳漢華皆一時之傑光武得而用之用平亦眉張! 下天下歸心用復舊業豈非天順民歸受命而帝者乎

智能倫高祖皆得而盪滅臣伏之故不得不俯首北面 光武仁心厚德與勒具趨亦豈勒所能窺測我曹子建 者比而保全功臣恩的九族則又遠勝於高祖可謂昏 之論漢二祖卓識閱議信百世所其易也 而尊高非尊高也彼益見夫當時若項籍淮陰輩成勇 光武垂教立則有以培其風俗庇其子孫哉石勒組光 於靈獻董曹之亂甚於王莽而建安之位號依然宣非 矣是以培養東漢二百年之祚明章繼之休養生息至 定四車全書一個製樂善堂年次本

東漢自光武明章孜孜學術培養氣節故雖數傳稍衰 李固杜喬論

草之卓然傑出者也益梁冀擅廢立之權利於幼弱二 直臨患難死生而不易其操若李固杜喬者尤疾風勁 矣而袁安楊震何敞朱穆張綱傳奏諸君子皆靖共正

公與胡廣趙戒共爭之既而廣戒順其而二公之志終

不可移争而不得繼之以死其為漢室忠矣夫權好之

欲擅國柄也必害其忠直不撓不與己合之大臣以震

自王莽篡漢處非所據敗禮亂度以文奸言毒流華夏 李杜並稱者三李雲杜衆李膺杜密是也要當以固喬 於上而左右前後皆彼之人豈不可哀也哉漢末忠臣 後世奸臣多效其為而人君成不悟馬卒之一身孤立 其餘梁其之於李杜是也彼以為此人一去則在上 勢孤在下之望絕其餘皆軟靡易制貪位茍禄之人耳 武 臣 四 車 全 書 梅紫樂善堂全集定本

高祖之少思獨廢郭后殺韓散為威德之累明帝以英 敦士行西城遣子入侍拒之不納方之漢武開邊致蒙 所以勘賢勵能崇尚聖教者至矣而友愛東海王則又 屠之資加以好學重道親臨辟雅尊桓榮李躬為更老 成功尤大及即帝位守之以文與學校選廉能尚風化 定海内克承丕業較之少康周宣中與之威用力尤難 相去遠矣不任功臣以吏事使得終享福禄又遠過於 民不即生由是人心思漢光武起於南陽撥亂反正平

事中帝短祚質帝中毒桓帝有可為之幾而不能自强 外有强臣內有常侍正士廢斤賄賂公行追及靈帝黨 力以得反正外戚之禍息而常侍之亂起其後梁其用 錮之禍益烈獻帝猶寄生之君而漢祚移矣夫西漢以 钦定四車全書 選 御教祭各堂全年定本

寺之禍基於此矣殤帝早世安帝庸昏順帝頼常侍之

帝幼冲嗣位行政無失能用鄭泉五人以誅竇憲然官

休養生息尊信東平王用第五倫為相而天下以治和

常棣匪他之意始終無問也章帝寬厚長者爱民務

貽服孫謀者當知所尚矣 者四十餘載豈非祖宗培養氣節之餘烈乎開國承家 矣然董曹肆虐守臣位者二十餘年昭烈繼統延漢祚 光武明章皆令主也爱養元元培壅國本亦未當不善 置之網罟陷阱之中如是而民心不離天下不亡者鮮 也乃自和帝以後外戚常侍相繼而作羅天下之賢才 文帝培養元氣入民之深故光武起而民心歸之東漢

克復天下催得一州者固緣曹孫威强立國既固不能 諸郡之地有涪城成都之險以成鼎足之勢然終不能 不可枚舉而英雄不得用其武狼狼奔走幾二十年既 抱雄傑之才欲恢復天下掃除大憝然歸於陶謙依於 得孔明於是待以股肱寄以心齊用其計誤而得荆州 公孫墳寄居於袁紹為客於荆州其間遭危因被禍 袁給选起窺何名器而的烈以王室之間懷忠義之志

漢自桓靈以來王道中絕奸權乘釁曹操孫權公孫

之克守前烈為敵國所畏者以孔明在相位故也其用 卒滅亦以不事於圖魏忽兵伐吳之所致也使如趙雲 所言居河渭上流以伐逆冠漢事未必無成卒至大敗 而漢作告然先夫治亂之理豈非係於人君之用賢與 鋭敵國畏之如虎追孔明發黃皓陳祇用事珍民誤國 明成都大治守父之餘烈保土安疆七擒之威六出之 於號亭威挫勢感是亦昭烈之失矣延及後主信用乳 用賢哉當昭烈之狼狼奔走以未得孔明故也後主

避皆被擢用於是成縣足之勢開有吳之基兵强將勇 自劉氏中衰孫堅據江左之地虎視中原子策繼之與 周瑜相友收合士大夫江淮之間人成向之善於用人 家之實置不信哉 黄皓陳祗而丧國敗家者以孔明既及故也賢人為國 潤達有度弟權因之用賢納諫周瑜魯肅張昭顧雅陸 東吳總論

厳國畏之曹操智計殊絕於人而大敗於赤壁曹不累

三日日 白日了 都東京各堂全小皮太

道險阻之利有異於往時哉劉禪以昏而亡皓以虚 興大衆臨江而阻益以英雄布列內外共展策力故也 如曹操之雄也王濬所統未如八十萬之衆也而赤辟 以亡雖有忠臣死節之士亦復奚救是故王濟之才非 任既非其人刑復非其辜使黔首有倒懸之苦而吳 延及亮体物盛而衰禍亂內作孫綝小人為亂於內然 外無邊患政無大關降及孫皓苛刻用刑肆虐日甚 八孫權以之與石頭之戰孫皓以之亡者豈戰守之

壹顧榮賀循之徒分掌庶政祖逃劉現各雄雄兵使元 帝果有恢復之志親統判吳之聚與除暴之師連誅劉 帝居江左之地繼而中與是時有王璋周顗為之謀下 晉自實后亂朝八王迭起劉石交亂中原人民塗炭元 亡天厭之矣於魏晋乎何尤 石克清天下則晉業永安六合為一而乃遷延日月尚 圖偏安識者於是知晉業之不復根矣及其晚年復有 東晉總論 · 新教樂為堂全保定本

令主也康帝享國日淺國家無事及至穆帝外有桓温 此遂衰簡文孝武孝安數帝不過庸庸無為尸位於上 王敦之亂以致懷恨而崩明帝少而聰敏躬於大憨然 而為劉氏之天下矣嗟夫創業難而守成亦不易性 年不久君子惜之速及成帝内有蘇峻之亂賴温崎 巴而内多批政權好數出至恭帝而司馬氏之天下! 跋扈哀帝短祚至帝实遂為桓温所廢晉氏之政於 侃下盡忠勤為國社稷無虞然勤儉愛民亦當世之

景尚浮虚無用之詞風俗既薄天下澆然故王敦蘇 盗君子所為三數也 我國勢之报莫過於劉裕之時 裕不忠誠為國而思質 安數君子則晉幾乎不國矣況能轉危為安光復舊 桓温王恭殷仲堪華迭起為亂向非王尊温嬌陶侃謝 北魏自拓跋珪以來國富兵强政和民安建及世祖籍 在人君用賢納諫則天下自安而國家永固晉氏君臣 北魏世祖拓跋燾論 和製樂善堂全年定本

燕巢於林木不已酷乎吁天道好還可不戒哉 悉誅境內沙門不太肯乎伐宋之後河南赤土無遺歸 功業不終卒有宗愛之禍益亦平日任術好殺所致如 年令公卿子弟入學徵世胄遺逸亦嚴駁乎令主矣獨 所失然能聽高允之言又從而美之尊祀孔子祭以太 廣兵强者大抵皆其功也雖好尚異端壇受符録是甘 二世之資奮英雄之志南侵北討東征西伐使魏國地 御製樂善堂全集定本卷四



唐太宗論

當隋楊之時天下及解羣雄睚此窺何名器於是太宗

以英雄之資俗仁義之德復得高祖之賢為之父易曰

陽剛之體發而用之以安天下固宜唐室之與也勃馬

次包日事全書 一柳製紫色堂会集完本

包蒙吉納婦吉子克家益高祖以柔中之德賴太宗以

之後勵精圖治損已益人爱民從諫躬行仁義用房女 尊江都而立代王也宜正其罪名聲大義以討之即位 然太原興兵長安立帝不少能行詐偽以其利也不必 善政不可舜述可謂三代以下特出之賢君矣雖征遼 降數百年而有漢文帝漢文以降又數百年而有太宗 深自損責其於改過亦已敏矣夫賢君不世出成康以 齡魏徵之情君臣相得不敢怠追用致貞觀之盛令徳 之後志尚意盈然既失之後即復魏徵之碑勞其妻子

帝率用是道之帝質美德統過於太宗然致治之盛旨 有魏徵之臣使太宗中人之主則雖有魏徵其亦如之 不免以術駅人故不能致天下於熙皡耳然後世有逆 何哉獨心無知道之實而身有好名之念屈已從諫而 而騎滿之意生者是不盡然惟具有太宗之君然後 及貞觀哉人或論太宗有魏徵而身修國理魏徵既 而惡賢騎奢而自滿者方之太宗則又不啻倍蓰矣 1以虚心待物損上益下用致天下之威太宗與文

N 日 車 女 書 要、 御製樂善堂全集定本

夫閨門王化之始也詩三百而必以剧雖為首禮嚴 長孫皇后論

法乾坤必求令德有以神成内政安貞載物然後協 昏書重釐降易上經首東坤下經首底恒益知正家之 道必本於閏門閏門正而后家齊國治也王者立后上

坤儀為天下母故太任太奴東淑德而昌周明德馬后 克恭儉而光漢古今所稱不可誣也文德皇后長孫氏

益引多訓諸子常以謙儉為先太宗亦敬其有德常 實欲殺魏徵哉然雖無此意亦微有不樂諫之心皇后 衣禮衣而稱賀於上曰臣聞主聖則臣直乃陛下之聖 回怒日會殺此田舍前后問為誰帝曰魏徵於是后退 聞此語即借賀以諷諫之徵益龍信而帝善益彰然 也妾敢不賀於是帝喜而徵言無不聽夫唐太宗豈 承之也易日牝馬地類行地無疆葢馬陰物也陰之 知正內之益所不可少而有乾之健必得坤之貞以

AL 日 車 全 書 柳教樂香堂全集定本

若長孫皇后不預朝政雖帝問之亦終不對可謂知安 上皇君子曰肅宗之立非禮也雖云依衆人之情順明 貞之義者矣其資送公主諷諫以安直臣得疾不事道 天下若徒柔順而鮮貞則又何能助乾道而沛膏澤哉 天實之亂明皇幸蜀肅宗留靈武其秋即位尊帝為太 釋之教尤為賢明名垂百世娘美周姜宜哉 唐肅宗論

徳利柔順然必利貞而行地無疆然後輔乾以行澤及

然而熟德實多當是時子儀劲力於外李沙謀之於內 故平逆亂易如反掌追反正之後肅宗之志荒矣始則 哉及其削除大難定天下迎上皇還西京奉養晨昏親 皇之命而速取大位開後世幸亂之端豈非悖於子首 修子職可謂善矣然聴嬖幸之言選上皇西內以兵守 與復方隆而建寧身死後則身沒未幾而良娣被弑身 之又非人類之所為矣世稱其克復之功目之為中興

為人子而不保其父為人父而不保其子為人夫而不

巴 四 車 全 書面 脚製樂善堂全集定本

忌君子也觀其即位之初用崔佑甫為相而天下清寧 中使邵光起非任閱官也部罷四方貢獻非好聚飲也 屢有善政却李正已之幣而賜其本軍非務姑息也杖 臣三日好聚飲而不知其致亂之由則在於用小人 世之論德宗者以為有三失馬一日事姑息二日任閥 保其妻三綱淪矣夫何足論之有 唐徳宗論

故翕然稱治樂於貞觀而盧把一用三者皆反之馴致

城裁兵不至於是始信陸贄言聽計從下罪已之部而 藩鎮之禍而繼以姑息念窘窮之故而加以好貨中使 涇原之亂豈非治亂與哀之明驗數在奉天時朱此圍 其謀社程復安至於復國之後鳥盡弓藏以饞見遠懼 軍士感泣懷光再叛帝幸梁州中路失發至於痛哭用 用事天下哀散是猶弱病方愈而懲其不能飲食加之 佑甫其亂由用盧祀其復故都由信任陸贄其後復祭 以飽食酣飲豈不殆哉原其本末則始之清明由用崔

申以来子堂全年之九

益能戒之於有事之日而不能謹之於無事之時也其 至於亂由不卒用陸暫而貶斥之一人之身所為如是 鱼定四庫全書 致亂顧不宜哉

唐憲宗論

肅代德宗屢致播選國勢陵夷叛臣暴布追及憲宗以

英武之資用賢能之相聽言納諫約已安民前除潘鎮

易於發蒙於是平夏減蜀朝江東從澤路致魏博定准

白天寶之亂天下分崩民人塗炭藩鎮强梁權移官寺

哉使憲宗克永其終任裴度而行其道斥皇甫轉程品 蔡来成德奮五世不振之威拔數傳擅命之寇威福 事乃進言利之臣信方士之說志滿心騎禍起所忽 午口 上政由人君發號施令罔有不藏雖有彊鎮順從朝 之徒加以休養生息為萬世業則貞觀之治復與未可 命唯謹號稱中與不亦宜乎及其天下平定四海無 唐穆宗論 却製樂善堂全集定本 7

宗之政遊政聲色放心嗜欲宰相蕭倪段文昌杜文詞 華又無遠略於是朱克融作副於盧龍王庭奏倡逆於 監於成憲削平藩鎮天下歸心至於穆宗復不能脩憲 成德魏博諸軍以次叛亂數十年經管而得之者皆不 子天下大亂職此之由延及憲宗獨能奮前世之威烈 喪亂唐自明皇末年不修太宗之業外用小人內寵妃 復有而唐竟以此亡豈非後嗣不肖不能守祖父之業 自古七國敗家未有不由子孫昏弱垂先王令典以致

一 一 定 匹 庫 全 書

安寧幾於三代追及高宗昏庸溫欲內政既領天下亦 得魏徵佐之言聽諫從歷有年所用致貞觀之盛天下 人君之用與不用也當有唐之與也太宗以英武之資 其勤逸何相遠哉 身觀憲宗之延英論事汗浹御旨與穆宗之就酒好色 而以致丧亂哉歐陽公日憂勞可以與國逸豫可以亡 夫天下之治亂係於人臣之邪正而人臣之邪正又在 即製樂各堂全集定本

斤耳又何能輔弼追救以安天下哉由是觀之正士忠 亂雖有褚遂良之忠正而無私攻君之惡適足受其斧 用雲從龍風從虎其氣相感其理固不易也故太宗居 飛煮惡来之臣堯舜在上則雖有飛魚惡來之徒必富 故有堯舜之君必有卑變稷契之臣有祭紂之君必有 之於遠方桀紂在上則雖有卑發稷契之臣亦屏而不 臣世不乏人而人君信用與不信用實相為感召也是 定匹尽在言! 位而魏徵用高宗居帝位而遂良棄使魏徵及高宗

無忌等皆得罪遂良死於徒所嗟夫遂良可謂忠矣君 定逆之必死乃請已獨見既進上果言后事遂良極諫 有非也乃諫之既不聽又諫之又不聽又置笏殿階叩 不聴乃置笏殿階叩頭流血上怒出為都督既而長孫 **從立時帝召大臣遂良曰今日之名多為中宫上意既** 之世則亦不免有廢點之患矣致使忠臣陵夷女后用 事奸臣竊福國家於滅非高宗之谷其誰之咎哉遂良 公減私憂國忘家當太宗之時即數著忠諫及武后 一一 都製集各堂全集定本

自古大臣出将入相為國安危者必有忠誠之德經世 志存社程偉出 過哉然遂良雖貶熙流離一至於此而忠名垂之干古 之業漢之孔明唐之子儀信其人也二公皆以忠正者 之才有以扶危定傾安邦守國然後立非常之功萬世 頭流血而諫之卒致顛沛流離死於徒所豈非高宗之 浩氣森於史冊身雖沒而可見太宗於地下為唐名臣 京正屋 有一 郭子儀論

成為當世人望加以非常之才功益天下是故亮沒而 漢七子儀存而唐復古今所稱不可誣也當天實之亂 |子事上忠御下恕待人和取将誠故朝恩以小人而知| 唐祚中復其有功於唐大矣及天下晷平大難略定證 雜不可爬梳而子儀以朔方之兵平定中原收復兩京 感以誠信非為於君臣之義動天地而泣思神者能之 明皇幸蜀肅宗嗣位河南河北两京皆為賊有蜂屯蟻 臣何間奪其兵權然朝命夕至無纖介於心單騎見敵

欽定四庫全書 一 二方等五首人方方 之亂不生於姚令言而生於用盧把復唐之功不在於 用李晟而在於信陸贄天下之治亂社稷之安危在於 正其本而辨之於早也吾讀史至唐德宗之時謂未此 治有不生於治之日亂有不生於亂之時有國家者宜 化承嗣以傲很而拜使回紇以蠻貊而墓誠靈耀以據 而衛幣動名顯樂干古不朽惟其忠義為誠根於心

復唐之功不在於用李晟而在於信陸贄也對為人到 鎮人人思慕唐德者非陸贄之功其誰之功與余故曰 者固李晟渾碱諸将之功而經管大計調和天下使 下則有治安之效大抵以仁義為本根貨財為末務 方嚴正而有經世之才其奏疏皆可行可法措之於天 **疆圍城界月其破圍解難冒矢石觸鋒及以救帝復國** 人君用一人由是觀之用人可不慎哉當奉天之難下 反者十四五藩鎮擁疆兵虎視中原而朱此兵勁

一 前刻之别推誠任街之判未當不反復為德宗言之故 身亦不免於廢熙也順宗即位復欲用之部未至而沒 於遠州益君子小人之分若此其難雖對反復言之而 散者數年雖命為相不能信用又聽裴延龄之說而則 在奉天之時悉聽其言而潘鎮畏威梁州再幸道路相 失號痛如失左右手及天下略平大難略定乃置於間 深切於事情言不離於道德至於君子小人之分忠厚

唐室之亂始於藩鎮彊梁虎視天下相連為朋河北諸

其後涇原之亂德宗幸奉天諸鎮雖有戮力王家以拒 疆鎮以賊將為節度遂世襲以為已有而不奉命朝廷 鎮為尤甚益自肅宗之時僕固懷思懷不逞之心欲結

干之兵破朱此鮮重圍復居二寇之間卒以收復西京 次 NO 日 日 AL ALIA 御教樂善堂全集皮本

鎮之勢益横而天子之權益弱惟李晟則不然晟以數

朱此如李懷光者而稍有不合則復叛而歸此於是藩

憲宗首即大位即有削平藩鎮之志用賢能之相時必 身居龍貴為唐宗臣功亦偉矣而張延賞之徒讒言一 與亦明於君臣之分忠義為而邪私不能動耳世稱郭 也使民如懷光之徒受護則叛豈其兵力才武不足為 行則流涕目產人徒議其怯而不知此其所以為純臣 渾碱皆有不世之功而晟尤其傑出者與 子儀忠厚誠信為唐名將故其麾下諸將如李晟馬嫁

著者又推裴度為首馬當是時憲宗方望治於度而度 杜黄裳李絳裴度諸人皆在相位而出将入相功烈廟 如也不知志满驕生小人来問方士鼓其邪說利臣中 於是成德魏博淄青三鎮皆歸朝廷天下方翕然望治 之帝曰吾用度一人足破二賊乃聽其謀散專任責成 亦以治平為已任國有賢相外寇拱手理固然也方矣 以為武功既成度相天子居廟堂與文治明良之遇何 元濟之欲為亂也自請嚴節度使朝臣皆務姑息欲與

巴日事全書 勘蒙樂養堂全集定本

復以度討之而小人沮之於內使無成功敬宗聽幸處 其膏肓而装度出為河東節度使矣穆宗時三鎮叛亂 **疎遠以憲宗知度之深功烈顯著稍不能保其終况於** 之不專或出之於外皆由小人在朝而正直之人日以 之間若此其難哉以裴度之忠誠正直加以經國之才 用之心度亦遂優游緑野而無志天下事矣嗟夫君臣 歷事四帝獨憲宗初年信用最為以有成效餘則或用 厚之言用以為相而復出之文宗有優崇之典而無信

穆宗敬宗文宗哉

有削平之心用賢相聽直言而繩愆糾謬靖恭匪解者 唐自肅代以降威令不行藩鎮跋扈憲宗初即大位即

般常以太宗之治自任而絳亦以魏徵自况故君臣 以李絳為首絳繼杜黃裳裴垍為相憲宗欲治之心方

確則遠而出之於外信莫如佛氏之教則斷而斥其碑 得魚水交歡言聽計從無所違拂是故寵莫如吐哭承 正日事会事 御教撰音堂全集定本

|内安外清承宗東手元濟就擒雖云裝度之力亦由絳 樓明黨之疑一言而開貨財之好一言而解行之數年 開之於先也余當論太宗之於魏徵憲宗之於李絳其 東征之後天下罷敝公私因之憲宗用李絲藩鎮畏忠 心稍怠迫及平於而志滿心騎愈不可制矣由此觀之 魏徵天下大治米斗三錢夜产不閉而魏徵既沒則有 不敢横肆民財充足天下又安而李絳一出則聽言之 用與不用係夫治與不治未始不同軌馬何也太宗用

哉益由賢相用事垂紳正笏不動聲色而天下自畏其 子內則有官寺東權威福已出武宗即位用一李德裕 良屏息而致仕後復籍其家何其威命之行至於如此 唐自明皇以後為國大害者外則有藩鎮彊梁抗横天 而河北三鎮效命昭義軍拒命即以兩鎮兵討之仇士 以太宗憲宗之英明猶賴賢相為輔况於中材之君哉 李徳裕論 CALL THE COLUMN TO SELECT THE PROPERTY OF THE PARTY OF TH

威也當是時武宗方信任德裕期以必治而德裕之才

尺八日日 二十二日 即製祭善堂全年定本

以過哉 使與其使大将以求官何如自結明天子以是三鎮不 亦足以制服諸鎮故諸鎮使者至京必面諭之曰語汝 治天下之道當以正風俗得民心敦士行復古禮為上 未嘗不惜之以德裕之才加之公正無偏雖古名臣何 而不能免於明黨之習因公以報私挟勢以復怨君子 有異志為國輕重者幾數年功烈顯名肩於裝度於 唐總論

年母武后身沒而祚移唐室子孫誅殺殆盡中宗循其 矣高宗以桑暗之君承父餘烈初即位時頗有善政末 武之資加之以忠貞之輔聽言納諫用賢録能興學校 故其末也人思之而不忘後世子孫頼之以安唐承五 覆轍為婦所我方之高宗殆尔如矣春宗以明皇為之 勸農桑行租庸調之法為子孫萬年之計可謂謀之詳 代之末高祖創業之後休養生息易武以文太宗以英

宗有平一六合復祖宗功業之心於是杜黃裳裴均李 送黨復唐社稷然遂以賊黨為節度使而河北三鎮之 姑息而內復有宦寺之禍順宗即位數月傅國家嗣憲 褐然唐之世莫能定矣代宗徳宗皆以中村之君好務 者矣明皇即位欲治之心方段用姚宋為相二十年間 而来與播遷天下分裂遂始於此肅宗用郭子儀削平 入即大位監建成之亂立嫡以功繼以傳位可謂知權 治幾於貞觀後電楊貴妃用李林甫以致禄山之亂

寺飲足以享國日淺不遂其志宣宗以刻為明多用智 受制家臣鬱鬱而沒武宗用一李德裕而藩鎮屏息官 散為子孫計者豈不詳且深乎然而終至於亡者益所! 氣已壞追及傷的而唐遂亡矣嗟夫觀太宗之立法垂 克負荷三鎮再失敬宗即位三年而為官寺所殺文宗 析然納諫不懈盡心民事不敢少怠懿宗騎奢無度元 年感於方士之說志復騎滿故有陳弘志之禍穆宗不 終裴度諸人相繼為相河北三鎮效命不敢横肆然末

THE REPORT OF THE PERSON OF TH

定四車全書 御製祭善堂全集定私

敢去臣位雖朱全忠篡位而奉正朔稱天祐者尚數 以官寺內立然而傳的數運京城數危而奉雄相視不 可不謂太宗之餘烈乎書曰監於先王成憲其永無怒 與於女色明皇以後外亂為多禍多起於藩鎮又加之 製樂善堂全集定本卷五

謂得之難而失之易也總之明皇以前內亂為多禍多